



Broj: 04 -1235-2/20

Datum: 02.09.2020.godine

Na osnovu člana 44. stava 1. tačke 12 Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 33/04, 19/07 i 25/08), i člana 26 stava 1 alineja d) Statuta Zavoda za zapošljavanje Brčko distrikta BiH –prečišćen tekst (br. 04-139/16, 04-1026/16 i 04-1810/16), Upravni odbor Zavoda za zapošljavanje Brčko distrikta BiH, dana 02.09.2020. godine, je donio Odluku broj: 04-1235/20, da se objavi

JAVNI POZIV

Organizacijama civilnog društva/nevladinim organizacijama za učešće u realizaciji Programa usklađivanja tržišta rada i sistema obrazovanja – karijerno usmjeravanje i savjetovanje

Javni poziv Organizacijama civilnog društva (OCD) / nevladinim organizacijama (NVO) sa područja Brčko distrikta BiH da dostave prijedloge projekata, koji će se realizovati u saradnji sa Zavodom za zapošljavanje Brčko distrikta BiH (u daljem tekstu „Zavod“), Odjeljenjem za privredni razvoj, sport i kulturu i Odjeljenjem za obrazovanje Vlade Brčko distrikta BiH, prema navedenom cilju i aktivnostima Programa.

I. Cilj Programa

Cilj Programa usklađivanja tržišta rada i sistema obrazovanja – karijerno usmjeravanje i savjetovanje je stvaranje uslova za:

- Pomoć mladim u odabiru kvalitetnijeg i konkurentnijeg obrazovanja koje će im obezbijediti da lakše pronađu zaposlenje,
- Pomoć poslodavcima pri odabiru kvalitetnih kadrova,
- Uspostave bolje komunikacije i saradnje sa poslodavcima u cilju dobijanja pravovremenih informacija o potrebama poslodavaca za radnicima određenih profila,
- Uspostava bolje komunikacije i saradnje sa sektorom obrazovanja u cilju obrazovanja kadrova potrebnih za tržište rada,
- Smanjenje broja dugoročno nezaposlenih lica sa evidencije Zavoda za zapošljavanje Brčko distrikta BiH,
- Smanjenje ukupnog broja nezaposlenih lica sa evidencije Zavoda za zapošljavanje Brčko distrikta BiH,
- Pružiti mladima mogućnosti za brže zaposlenje.

II. Način realizacije aktivnosti Programa u skladu sa preporukama vezanim za epidemiološke uslove prouzrokovane COVID-19

Na osnovu preporuke Komisije za pripremu Programa, obradu, ocjenu i praćenje projekta za realizaciju Programa usklađivanja tržišta rada i sistema obrazovanja – karijerno usmjeravanje i savjetovanje (u daljem tekstu: Komisija), i trendova prouzrokovanih preporukama vezanim za epidemiološke uslove prouzrokovane COVID-19, aktivnosti koje su u obavezi realizacije ovim Programom, realizovaće se na način da se edukacije, sastanci, posjete, tematska dešavanja, promocije, anketiranja i testiranja, odvijaju u skladu sa epidemiološkim uslovima i propisanim mjerama.

Aktivnosti za čije procese je moguće realizovati okupljanja i lične kontakte, realizator je u obavezi provesti na definisan način.

U slučaju nemogućnosti provođenja aktivnosti, zbog propisanih mjera uzrokovanih epidemiološkim uslovima, onako kako su definisane Programom, realizator je dužan tražiti odobrenje od Komisije sa definisanim izmjenama i načinom provođenja planiranih aktivnosti, uz obavezu usklađivanja aktivnosti sa Protokolom rada obrazovanja u navedenom periodu.



III. Aktivnosti za realizaciju Projekta

- Saradnja Zavoda za zapošljavanje Brčko distrikta BiH, poslovne zajednice, Vlade Brčko distrikta BiH (Odjeljenja za obrazovanje i Odjeljenja za privredni razvoj, sport i kulturu) i civilnog sektora sa područja Brčko distrikta BiH,
- Omogućiti savjetovanje učenika osnovnih škola sa ciljem lakšeg i kvalitetnijeg odabira srednjoškolskog obrazovanja, odnosno, zanimanja,
- Omogućiti savjetovanje učenika srednjih škola sa ciljem lakšeg i kvalitetnijeg odabira konkurentnijeg zanimanja na tržištu rada, odnosno, odabira visokoškolske ustanove u kojoj žele nastaviti školovanje,
- Sačiniti materijale kojim će se vršiti promocija srednjih škola i visokoškolskih ustanova i u kojima će biti dostupne sve potrebne informacije za osnovce i srednjoškolce,
- Izvršiti anketiranje poslodavaca sa područja Brčko distrikta BiH, u cilju prikupljanja podataka o traženim obrazovnim profilima/zanimanjima na tržištu rada,
- Sačiniti materijale na osnovu provedene ankete poslodavaca, koji će omogućiti mladima koji traže zaposlenje da lakše dođu do neophodnih informacija,
- Uspostaviti kancelariju za karijerno savjetovanje i koordinaciju aktivnosti Programa usklađivanja tržišta rada i sistema obrazovanja – karijerno usmjeravanje i savjetovanje,
- Uspostava saradnje Zavoda, poslovne zajednice, Vlade Brčko distrikta BiH (Odjeljenja za obrazovanje i Odjeljenja za privredni razvoj, sport i kulturu) i civilnog sektora,
- Sajam obrazovanja i zapošljavanja kao događaj Programa koji bi na jednom mjestu okupio sve srednje škole i visokoškolske ustanove u Brčko distriktu BiH i okruženju, koje bi prezentovale svoje programe učenicima i studentima, kao i poslodavce sa područja Brčko distrikta BiH i iz okruženja, gdje bi isti prezentovali svoje potrebe za zapošljavanjem (april 2021.godine),
- Izraditi i sprovesti reklamnu i promotivnu kampanju.

IV. Sredstva za realizaciju Programa

U skladu sa Planom rada Zavoda za zapošljavanje Brčko distrikta BiH, obezbijeđena su sredstva u iznosu od 70.000,00 KM za realizaciju Programa usklađivanja tržišta rada i sistema obrazovanja – karijerno usmjeravanje i savjetovanje.

Sredstva se za planirane aktivnosti iz Programa usklađivanja tržišta rada i sistema obrazovanja – karijerno usmjeravanje i savjetovanje, isplaćuju sa računa Zavoda, zbog kompleksnosti aktivnosti, u tri tranše, na početku realizacije, nakon realizacije prva tri mjeseca aktivnosti, i na kraju realizacije svih aktivnosti (nakon dostave Konačnog izvještaja o provedenim aktivnostima i finansijskog izvještaja). Omjer tranši po kojima se vrši isplata je 50%-30%-20%.

V. Lokacija i vremenski okvir aktivnosti

Lokacija provođenja aktivnosti: područje Brčko distrikta BiH.

Vremenski okvir: oktobar 2020.godine - april 2021.godine, Sajam* kao završna aktivnost april 2021.godine.

Maksimalan vremenski okvir za provođenje aktivnosti utvrđenih ovim Programom, je šest mjeseci, sa pauzom aktivnosti u januaru mjesecu.

* Način realizacije aktivnosti Programa u skladu sa preporukama vezanim za epidemiološke uslove prouzrokovan COVID-19



VI. Pravo učešća i obavezna projektna dokumentacija

Pravo učešća po ovom javnom pozivu :

Učešće u ovom javnom pozivu je otvoreno, na jednakim osnovama, za sve formalno registrovane OCD i NVO (udruženje/udruga ili fondacija), na području Brčko distrikta BiH, koje imaju minimalno tri zaposlena lica na neodređeno vrijeme, i koja redovno izmiruju doprinos za slučaj nezaposlenosti za sve zaposlene, zaključno sa mjesecom koji prethodi raspisivanju Javnog poziva (Zavod ovaj podatak provjerava službenim putem u Službi za ekonomske poslove i analizu Zavoda).

Obavezna projektna dokumentacija po Javnom pozivu Organizacijama civilnog društva/nevladinim organizacijama za učešće u realizaciji Programa usklađivanja tržišta rada i sistema obrazovanja – karijerno usmjeravanje i savjetovanje je:

- projektni prijedlog,
- pregled budžeta,
- matrica logičkog okvira,
- plan aktivnosti i promocije.

VII. Bodovanje i rangiranje projekta

Bodovanje i rangiranje projekta, vršiće Komisija za pripremu, ocjenu i praćenje projekata za realizaciju Programa usklađivanja tržišta rada i sistema obrazovanja – karijerno usmjeravanje i savjetovanje (u daljem tekstu: Komisija) koja će u skladu sa objavljenim kriterijumima izvršiti rangiranje na osnovu dostavljenih projekata i tražene dokumentacije.

Direktor Zavoda imenuje Komisiju za pripremu, ocjenu i praćenje projekta za realizaciju Programa usklađivanja tržišta rada i sistema obrazovanja – karijerno usmjeravanje i savjetovanje. Komisija se sastoji se od šest članova, od kojih su dva člana predstavnici Zavoda, po jedan predstavnik Odjeljenja za privredni razvoj, sport i kulturu Vlade Brčko distrikta BiH, Odjeljenja za obrazovanje Vlade Brčko distrikta BiH, jedan član Udruženja poslodavaca Brčko distrikta BiH i jedan član Sindikata Brčko distrikta BiH.

Komisija vrši rangiranje projekata cijeneći pri tome sljedeće kriterije:

1. Pripremljenost projekta u skladu sa zahtijevanim sadržajem programa,
2. Inovativni aspekt projekta,
3. Referentna lista implementiranih sličnih projekata od strane aplikantata,
4. Broj uključenih/angažovanih volontera koji bi radili na projektu,
5. Precizan vremenski pregled realizacije aktivnosti,
6. Postojanje plana i finansijskog osnova projekta,
7. Adekvatan prostor koji imaju na korištenju, a u skladu sa zahtijevanim sadržajem programa,
8. Partnerski odnos sa drugim nevladinim organizacijama ili institucijama iz javnog sektora u realizaciji projekta,
9. Visinu administrativnih troškova, koji ne bi trebalo da prelaze 25 % ukupnog budžeta projekta,
10. Ukupna cijena projekta.



Navedeni kriterijumi su osnova za ocjenjivanje, kako slijedi:

r/b	Kriterijumi za ocjenjivanje:	Bodova
1.	Pripremljenost projekta u skladu sa zahtijevanim sadržajem programa	0-20
2.	Inovativni aspekt projekta	0-15
3.	Referentna lista implementiranih sličnih projekata od strane aplikantata	0-10
4.	Broj uključenih/angažovanih volontera koji bi radili na projektu	0-10
5.	Precizan vremenski pregled realizacije aktivnosti	0-5
6.	Postojanje plana i finansijskog osnova projekta	0-5
7.	Adekvatan prostor koji imaju na korištenju, a u skladu sa zahtijevanim sadržajem programa	0-20
8.	Partnerski odnos sa drugim nevladinim organizacijama ili institucijama iz javnog sektora u realizaciji projekta	0-5
9.	Visina administrativnih troškova, koji ne prelaze 25 % ukupnog budžeta projekta	0-5
10.	Ukupna cijena projekta	0-5
	Ukupno - max:	100

VII. Objava rezultata

Komisija će u skladu sa objavljenim kriterijumima izvršiti rangiranje na osnovu dostavljenih projekata i tražene dokumentacije, i sačiniti preliminarnu rang listu predloženih projekata, koju dostavlja direktoru Zavoda. Ista će biti objavljena na web stranici www.zzzbrcko.org i oglasnoj tabli Zavoda. Liste sadrže naziv OCD/NVO aplikanta i broj bodova, a na predložene liste se može uložiti žalba u roku od sedam dana od dana objavljivanja.

Žalbe na objavljenu Rang listu dostavljaju se u pisanoj formi Upravnom odboru Zavoda za zapošljavanje Brčko distrikta BiH, sa naznakom „ Žalba na Rang listu po Javnom pozivu Organizacijama civilnog društva/nevladinim organizacijama za učešće u realizaciji Programa usklađivanja tržišta rada i sistema obrazovanja – karijerno usmjeravanje i savjetovanje „ putem protokola u Zavodu za zapošljavanje Brčko distrikta BiH, ulica Fra Šimuna Filipovića br.2, Brčko“.

Nakon donošenja konačne liste rangiranih projekata, Zavod za zapošljavanje Brčko distrika BiH zaključuje ugovor o dodjeli novčanih sredstava za realizaciju aktivnosti po Programu usklađivanja tržišta rada i sistema obrazovanja – karijerno usmjeravanje i savjetovanje, sa prvorangiranim sa liste.



VIII. Trajanje Javnog poziva


Sastavni dio Javnog poziva je Prijava za učešće na Javni pozivu Organizacijama civilnog društva/nevladinim organizacijama za učešće u realizaciji Programa usklađivanja tržišta rada i sistema obrazovanja – karijerno usmjeravanje i savjetovanje, i izjave.

Obrazac Prijave za učešće na Javnom pozivu Organizacijama civilnog društva/nevladinim organizacijama za učešće u realizaciji Programa usklađivanja tržišta rada i sistema obrazovanja – karijerno usmjeravanje i savjetovanje, i izjave možete preuzeti u Zavodu za zapošljavanje Brčko distrikta BiH ili na web stranici www.zzzbrcko.org.

Poziv ostaje otvoren od 03.09.2020.godine, do 11.09.2020. godine, i biti će objavljen na oglasnoj ploči Zavoda i web stranici Zavoda www.zzzbrcko.org

Prijave (i izjave) na Javni poziv Organizacijama civilnog društva/nevladinim organizacijama za učešće u realizaciji Programa usklađivanja tržišta rada i sistema obrazovanja – karijerno usmjeravanje i savjetovanje, rješenje o registraciji kod nadležnog Suda, kao i prijedlog projekta dostaviti u zatvorenoj koverti sa naznakom „za Javni poziv“, preporučenom poštom ili lično radnim danom od 08:00 do 15:00 časova, na adresu: Zavod za zapošljavanje Brčko distrikta BiH, Fra Šimuna Filipovića br.2, Brčko.

Nepotpune i neblagovremene prijave neće biti uzete u obzir prilikom rangiranja.



Predsjednik Upravnog odbora

/ Rasim Smajlović, dipl. pravnik /